



Samgöngu- og sveitarstjórnarráðuneytið
Jöfnunarsjóður sveitarfélaga

Egilsstaðir 13. nóvember 2018

Efni: Umsögn Fljótsdalshéraðs um nýja reglugerð um Jöfnunarsjóð sveitarfélaga

Eftirfarandi er umsögn sveitarfélagsins Fljótsdalshéraðs við fyrirbyggjandi drögum að nýrri reglugerð um Jöfnunarsjóð sveitarfélaga og þeim forsendubreytingum útgjaldajöfnunarframlaga sem þar eru gerðar.

Sveitarfélagið Fljótsdalshérað lýsir sig fylgjandi þeim markmiðum er höfð eru að leiðarljósi við umræddar reglugerðarbreytingar en gerir þó þá athugasemd við tillögu að breytingu á einu viðmiði að sú breyting verði ekki til þess fallin að auðvelda það að framsettum markmiðum verði náð.

Um er að ræða þá tillögu að draga úr vægi fjarlægða innan sveitarfélaga með þeim rökum að fjarlægðarviðmið endurspegli ekki með markvissum hætti útgjaldþörf sveitarfélaga.

Í tilviki sveitarfélagsins Fljótsdalshéraðs, sem er víðfeðmasta sveitarfélag landsins, þá er það óumdeilt að fjarlægðir innan þess hafa veruleg áhrif á útgjöld sveitarfélagsins ef horft er til þróunar fjarskipta, vetrarþjónustu samgönguleiða, almennings- og skólaakstur svo eitthvað sé nefnt. Nú er hafin vinna við undirbúning sameiningar sveitarfélaganna Borgarfjarðarhrepps, Djúpavogshrepps, Fljótsdalshéraðs og Seyðisfjarðarkaupstaðar og verði af þeirri sameiningu mun fjarlægðarviðmiðið verða kostnaðarbreyta sem mun skipta verulegu máli í hinu sameinaða sveitarfélagi. Það að draga úr vægi þessa viðmiðs verður því til þess fallið að hafa neikvæð áhrif á vilja til sameiningar sveitarfélaganna sem er andstætt yfirlýstu markmiði fyrirhugaðrar reglugerðarbreytingar um að virka sem jákvæður hvati á sameiningu sveitarfélaga.

Sveitarfélagið Fljótsdalshérað leggur því til að fallið verði frá fyrirhuguðum áformum um að draga úr vægi fjarlægðarviðmiðs í umræddum reglugerðardrögum eða í það minnsta dregið minna úr vægi hennar en nú er áformað.

F.h. Fljótsdalshéraðs


Björn Ingimarsson
bæjarstjóri